

## Vegamál við Jökulsá á Fjöllum

### Niðurstöður samráðshóps til vegamálastjóra:

Umhverfi Jökulsár á Fjöllum, þar með talinn þjóðgarðurinn í Jökulsárgljúfrum, er mjög áhugavert. Núverandi ástand vega á svæðinu er afleitt og stendur uppbyggingu byggðar og sívaxandi ferðaþjónustu fyrir þrífum.

Samráðshópur um vegamál við Jökulsá á Fjöllum, sem skipaður var á síðast liðnu ári, leggur því til, út frá byggða- og ferðaþjónustusjónarmiðum, að heilsársvegur með bundnu slitlagi verði lagður sem fyrst um svæðið milli Hringvegar og Norðausturvegar. Hópurinn lítur svo á að þegar til framtíðar sé litið og þróunar í ferðamálum þá sé hyggilegast að sá vegur verði lagður að vestanverðu við Jökulsá með góðum tengingum að Dettifossi, Hólmatungum og Vesturdal.

Hópurinn telur þó, að svo brýnt sé að laga núverandi veg að austanverðu og tengingar í þjóðgarð frá Norðausturvegi og að Dettifossi frá Hringvegi að vestan, að ekki verði komist hjá að afvatna, styrkja og leggja malarslitlag á þá vegi. Út frá öryggisjónarmiðum er einnig nauðsynlegt að austan ár sé vel fær vegur til framtíðar.

Hópurinn leggur því til, að þær fjárveitingar sem eru í vegáætlun fyrir árin 2002-2004 verði notaðar til slíkra lagfæringa og við þær bætt, þannig að malarvegir þessir geti talist sæmandi.


Hópurinn leggur einnig þunga áherslu á að vegur að vestanverðu við Jökulsá milli Hringvegar og Norðausturvegar verði tekinn inn í grunnnet þjóðvegakerfisins og hraðað verði hönnun á þeim vegi svo að framkvæmdir geti hafist sem allra fyrst.


Jafnframt leggur hópurinn áherslu á að fé sem ætlað er til Norðausturvegar í vegáætlunum verði ekki skert.

Ákureyri 12.12.2002

  
Leifur Hallgrímsson


  
Tryggvi Jóhannsson


  
Friðgeir Þorgeirsson

  
Kristján Þ. Halldórsson

  
Arni Bragason

  
Björn Sigurðsson

  
Magnús Oddsson

  
Birgir Guðmundsson

  
Guðmundur Heiðreksson

  
Eymundur Runólfsson